

一草亭目科全書

一草亭目科全書序

夫人一身之內五官四體俱不可以有疾然權其輕重則目之失明尤堪憫焉蓋人有二目猶天有二曜也天有二曜而萬方無不照臨人有二目而萬物無不灼見苟明之既失斯終身漆室長夜難免聞鐘揣簫之虞將依俛乎其何之耶清江孝廉鄧博望先生向緣母患目疾徧訪海內名師嗣請湘溪饒氏治之立見神効因屢求受業旣而許之遂盡其術乃編輯目授諸方爲一草亭目科全書余幼時嘗病目甚

先大夫爲覓是書醫治獲痊凡遇患此疾者依方療  
焉信手而愈誠開瞽之金針啟聵之寶鏡也鄧孝廉  
得之於前而母眸重睹先大夫得之於後而子視  
復明孝慈之心藉以大慰余何敢秘之篋笥弗廣其  
傳以濟人哉亟付剞劂并告天下之爲父子而慈孝  
者

康熙歲次壬辰嘉平月潁川鹿祐謹識於大梁署中

一艸亭目科全書

清江博望鄧苑自撰

目論

經曰五臟六腑精華皆上注於目骨之精爲瞳子屬  
腎筋之精爲黑珠屬肝血之精爲絡屬心氣之精爲  
白珠屬肺肉之精爲約束屬脾其精脉所係上屬於  
腦後出於頂苟被六淫外感七情內傷飲食失節勞  
役過度皆能損目夫目通肝竅腎藏其精一有拂鬱  
則少火挾肝木而上行遂致傳變多端有七十二症

之名總不越內外二障而已華元化云目類丸形瞳  
神居中而前如日月之麗東南而晦西北也有神膏  
神水神光真氣真血真精此滋目之源液也神膏者  
目內涵膏神衰則有損神水者由三焦而發源先天  
真一之氣所化目上潤澤之水也水衰則有火勝燥  
暴之患水竭則有目輪大小之疾耗澁則有昏眇之  
危虧者多盈者少是以世無全精之目神光者原於  
命門通於膽發於心火之用事也火衰則有昏瞋之  
患火炎則有焚燥之殃夫心君主也通於大眚故大

皆赤者實火也命門爲小心小心相火也代君行令  
通於小眚故小眚赤者虛火也若君主拱默則相火  
自然清寧矣真血者卽肝中升運滋目注絡之血也  
此血非比肌肉間流行之血卽天一所生之水故謂  
之真也真氣者卽目之經絡中往來生運之氣乃先  
天真一發生之元陽也真精者乃先後元氣所化精  
汁起於腎施於膽而後及瞳神也凡此數者一有損  
目則病矣無間子曰夫目者先天之氣所生後天之  
氣所成陰陽之妙蘊水火之精華血養水水養膏膏

護瞳神氣爲運用神卽維持喻以日月理實同之人  
身至寶所當重也

目圖

黑珠屬肝肝爲木也

東方屬木木生風在臟爲肝應目中暴怒不常生內  
鬱更因風熱翳侵瞳

其症因惱怒不常勞役過度外感風寒內傷色慾以  
致頭目眩暈視目不明日久不治遂成昏暗等症  
大小背屬心心爲火也

心居包絡名君主血隨火奔眼內凝眦頭大小分虛實遠視還同是火星

其症因憂愁煩勞悲苦思慮內傷于心外攻於目赤筋灌瞳弩肉攀睛日久不治漸至失明等症

上下胞屬脾脾爲土也

太陰屬土主脾元積熱相干病有源上下胞臉腫又赤挑針時發根常存

其症因多食熱物炙燂辛酸壅火在內瘀血腫痛粟沙隱澁日久不治以致爛弦倒睫纏綿不已等症

白珠屬肺肺爲金也

肺臟停留心熱攻雙睛微見絳紗籠但將辛涼宣腸  
胃方解昏昏似火紅

其症因凌霜冒雪饑飽失常外受風邪內熱上攻日  
久不治以致視物不明變成白膜遮睛疼痛難開冲  
風出淚等症

瞳人屬腎腎爲木也又通膽竅此木木有相生之義  
肝腎有同治之方

腎膽同官出精華陰虛火旺便生花上冲膽水還成

綠急養化源不川嗟

其症因嗜慾無厭房勞過度大驚傷神大恐傷志木  
火既虧陰陽漸損冷淚流於臉上飛花越于目前綠  
水灌瞳青盲內障等症

外障

|      |      |      |      |
|------|------|------|------|
| 暴發時眼 | 疼痛難開 | 時眼傳染 | 羞明怕日 |
| 白珠生瘡 | 粟沙隱澁 | 胞臉腫爛 | 拳毛倒睫 |
| 弩肉掀睛 | 赤筋貫瞳 | 翳膜遮睛 | 垂簾翳障 |
| 冲風出淚 | 漏睛膿出 | 傷寒流毒 | 烏珠下陷 |

烏珠突出

偷針時發

胞內生膠

風牽喎斜

鵠目凝睛

撞破生翳

血灌瞳人

飛塵傷目

時發有根

臉硬腫脹

瞳人脹痛

時發痒滯

小眥赤澁

大眥赤澁

冰輪翳

梅花翳

旋螺翳

浮翳

實翳

濕翳

乾翳

釘頭翳

白翳

紅翳

青翳

黃翳

黑翳

時發時散翳

裏急外弛

跌撲損傷

外障治法

世謂眼病屬火然非外受風邪眼必不病因膜理爲風邪所束內火不得外洩挾肝木而上奔眼竅血隨火行故患赤眼及時調治自獲全愈倘日久不治及治而無效爲粗工所悞遂成外障等症外障者風凝熱積血滯也法當除風散熱活血明目須用加減金液湯主之外點玉華丹自愈如患翳膜遮睛者用仙傳紫金膏點之此膏能開瞽或武當人龍此君亦妙

金液湯 治外障等症

軟前胡 一錢

白桔梗

入分

直防風

一錢

川獨活

三分

京芍藥 一錢  
肥知母 五分  
荊芥穗 五分  
蘇薄荷 六分

蔓荊子 七分  
炒研 北柴胡 炒一錢  
片黃芩 炒一錢

咀片水煎熱服

如受風寒重者初二劑加  
羌活 五分  
小川芎 二分

白芷稍 二分  
後服仍去

如淚多者加  
北細辛 二分  
家園菊 五分

如腫脹者加  
葶藶子 三分

如痛甚者加  
厚黃栢 三分

如紅甚者加  
連翹 三分  
桑白皮 四分  
牡丹皮 六分

紅花 三分

如翳膜者加 木賊 四分 白蒺藜 八分

如翳障弩肉者加 石決明 煨一錢

如昏瞶者加 密蒙花 八分 家白菊 五分

如大眦紅者加 梔子仁 炒黑七分

如小眦紅者加 酸棗仁 炒一錢 遠志肉 甘草煎水浸軟去骨炒一錢

錢 麥冬 去心一錢 家白菊 三分 生地 一錢 當歸尾 三分

熟地 一錢

如初發赤眼服藥六七劑可愈且無後患 外用點藥

如屢發者風邪積熱入在經絡遇寒卽發服金液湯  
十餘劑後或作散或作丸服調理三四十日外凡  
玉華丹日點一次自愈

如體虛者須用加減地黃丸空心服飯後用金液散  
此法最妙

如服金液湯須飯後熱服每日止服一劑不可驟進  
恐傷胃氣服至六七日自愈

如外障等症多是有餘不可妄投補藥恐助邪爲害  
不淺

如內熱甚者大便閉結兼以體旺年少之人加大黃

錢一二通後仍除大黃此症北京最多湯用五龍

五龍湯 治暴赤腫痛如北地體旺者宜服

陳麻黃 荊芥穗 白桔梗 牛旁子 莊大黃

咀片各一錢三分作一劑生姜五錢葱頭二兩爲  
引服後腫消紅退仍用金液湯三四劑外點玉華  
丹

玉華丹 治眼患外障紅腫羞澁昏瞢翳膜等症

盧茸石 二兩取白而輕如雲片及羊腦髓樣者

川黃連

一兩去蘆切碎木一鍾浸半日隔湯煮汁

童便

一鍾取童男半歲無病者同連汁和作一碗

將盧甘石置傾銀罐內炭火煨成碧色取起以連汁童便淬之如此煨淬七次加硃砂三錢同研爲末水飛去脚候乾又研極細如塵收貯聽用名曰丹頭另製珍珠將珠錢許置豆腐內碗盛蒸一時久研極細收貯聽用

丹頭一錢加珠末二分旋研冰片三分和勻入小磁罐封固凡一切外障眼以銀簪或象牙簪沾藥

點兩背內閉一飯久仍以簪撥出藥屑每日早飯  
後點一次或夜點亦可

僊傳紫金膏

真黃丹

五兩研細木飛候乾用厚綿紙盛放鍋內  
炒熟取起置地上冷又炒又冷如此九次  
去盡鉛氣又  
研如塵聽用

川黃連

去蘆淨二  
兩切碎

石燕

一雌一雄大者如棋榔與  
石燕等分搗末水飛聽用

石蠟

不拘一個二個與石燕  
雌雄等分搗末水飛

訶子

十二個

真熊膽

三錢或五錢多則效速試法以麈撒水面取熊膽粒許滴水上其塵分開方真此眼

藥中神品

冬白蜜濾淨

入兩

先將訶子用井水三碗煎至碗半以蟬燕爲細末水飛過調和藥汁同蜜銀鍋慢火煎三五沸後入丹再煎取柳條或槐桃條不住手順攪用水一盆在傍如沸起卽擡鍋放水盆上待藥有絲爲度入熊膽再旋百餘旋勿令雞犬生人婦人見之此方專治男婦一切眼疾雙目不見十餘年者竟能還

明但用兩蛤許每日點五七九次不用雙點初點  
七日停三二日又點七日用燈草展其翳膜眼自  
明矣不過三七日神効 忌一切油膩辛辣之物  
七寶膏 去諸翳障

珍珠 三錢 琥珀 三錢 水晶 三錢 龍齒 一錢 石決明

熊膽 各三錢 龍腦 旋加五分

右搗碎研細水五升砂鍋內煎至一升去粗用銀  
鍋熬至一盞入淨白蜜五錢和爲膏每夜臥後點  
之早不可點

武當秘授仙方

武當山上一仙方洩露天機不可當巴豆麤仁和製石硃砂龍骨白丁香不論遠年翳膜障管教一點便開光

製石 二錢 巴豆 去殼 麤仁 一錢 二味全煎水去渣用 一錢 以水入製石內候乾聽

硃砂 用田螺一個水漂二日泥淨開口時以硃砂三四分入內候化水以銀銚煎乾收貯每用

二厘

龍骨 大煨為極細末一分

白丁香

取兩頭尖者端午日用甘草湯浸一宿晒乾研細貯旋加少許點翳膜胬肉

人龍散

治紅腫翳膜

人龍一條取壯大白色者以線係首尾放長流水洗淨將磁瓦尖破開滴白漿入製石內點目亦妙  
一去胬肉用杏仁百粒搗爛取汁調製硃砂點或又用白丁香亦可

此君丹

治翳

淡竹殼不拘多少用布拭去毛燒灰存性每藥一錢加麝香三五厘同搗細末點在翳上亦妙

凡治外障眼切不可用刀針鉤割恐傷眼血後成瘤疾不可治瘳經曰眼得血而能視則血何可損也但用金液玉華等方自愈

一人飛絲入眼用鹽一粒在口噙化其絲自出或用香草子一粒入眼其子在眼走動展絲撥出自愈一人嘴眼歪斜服去風藥數劑脉平又服溫補外用鱔魚血磨白芨塗面一邊立見其貌端正矣

劉禹錫方 治一切眼患

川黃連末

蕤仁去皮研

各等分

棗一枚開頭少許

去核以藥填滿仍將棗頭合上綿裹用銀鍋煎水  
一碗至小半濾起待冷洗眼立效

棗用大而端正者

啗鼻碧雲散 治一切外障等症如開鍋蓋法常使

邪毒不閉令有出路然力少而銳啗之隨効宜常  
啗以聚其力

鷺不食草

二錢

青黛

川芎

各一錢

右爲細末先噲水滿口每用米許啗入鼻內以淚  
出爲度

內障

綠水灌瞳 蠅影飛越 瞳人濶大 胞輪紅 瞳  
人尖小 亡血過多昏暗 瞳人返背 能遠視不  
能近視 瞳人缺陷 能近視不能遠視 瞳人破  
損 婦人胎風 瞳人空散 倒經血出 坐起生  
花 小兒痘翳 青盲翳障 小兒疳傷 冷淚時  
出 黑霧蔽空 眩暈轉睛 鵲目夜發 烏風時  
發 不能久視

內障治法

內障受病多在瞳人不紅不腫人不經意日久不治

便成痼疾瞳人屬腎又通膽腑人身最靈者惟此瞳  
神而人身最重者惟此腎經所謂乙癸同鄉之義也  
夫人有陰虛者有陽虛者陰虛則水不滋木少火挾  
肝木而上炎肝通眼竅眼斯病矣蓋腎經如太極圖  
也水火具焉右腎屬陽水左腎屬陰水命門少火居  
中少火者陽也以一陽陷于二陰之中成乎坎之象  
三故易謂天一生水也水火和平百骸通暢然脾土  
非少火不生肝木非腎水不養脾氣足自生肺金肝  
氣克自培心火則腎爲五臟之源所謂先天真氣生

身立命正在此也故無水者壯水之主以鎮陽光無  
火者益火之源以消陰翳非獨治目諸症可例推矣  
此水火廼無形之水火卽先天真陰真陽也陰虛補  
陰陽虛補陽脉候叅之庶幾勿失若水火有虧瞳神  
受病遂爲內障等症內障者血少神勞腎虛也法當  
養血補陰安神明目須用加減地黃丸主之 空心服  
兼進五寶丹 飯後服 自獲奇効或千金磁硃丹與石  
斛夜光丸連服及後選用

六味地黃丸 壯水之主 左尺微弱補水以配火

懷地黃

酒洗蒸晒九次又酒煮爛搗膏八兩

懷山藥

炒四兩

山萸肉

去核

四兩洗蒸晒慢火炒

白茯苓

去皮膜淨蒸過晒乾三兩

牡丹皮

去骨三兩

光澤

瀉

去毛三兩

俱爲末同地黃膏搗勻加煉蜜爲丸如桐子大每日空心用滾水吞三錢卽以美膳壓下直至腎經且無泥膈之事

加當歸五味子生地黃柴胡名益陰腎氣丸另有等分加枸杞白菊花

八味地黃丸 益火之源 右尺火衰補火以固本

六味加製附子 一兩 肉桂 一兩

愚以附桂性烈用還少丹代之尤妙

還少丹 滋補腎水溫養少火諸虛百損男婦咸宜

久服却病延年

懷地黃 四兩 酒潤蒸晒九次 甘枸杞 四兩 人乳蒸

地黃 肉蓯蓉 二兩 酒洗去浮甲 川巴戟 酒浸去骨

炒 川續斷 二兩 酒炒 川牛膝 二兩 酒炒 川杜仲 二兩 姜汁 石

棗肉 去核淨 二兩 酒焙 遠志肉 水洗去骨晒 石菖蒲

用小而節密者 楮實子 揀淨 二兩 小茴香 二兩 白茯苓 二兩

苓

去皮木膜木淘淨  
蒸過曬乾二兩

懷山藥

二兩  
蒸炒

各製就和勻用棗肉二百枚搗和加煉蜜爲丸如  
梧子大每日早晚滾湯好酒任服每服五七十丸  
此丸久服健筋骨利關節克精血美顏色有大滋  
益養生至寶

昔仙人秘授一婦人服之果得高壽且如童顏因  
子不服鬚髮皓然筋力痿軟時當怒責一官遇見  
拘問女何打父婦曰是吾子也不服吾藥故打之  
取方嘆賞名打老兒丸原係 孫真人自龍宮得

來凡腎經補藥俱可漸加

加味逍遙散 治鬱怒傷肝眼目赤澁昏暗婦人多

有血虛發熱口乾自汗月經不調腹痛等症

大當歸 酒洗 白芍藥 酒炒 白茯苓 去皮 白朮 土炒

北柴胡 炒 牡丹皮 各一錢 蘇薄荷 三分 甘草 三分

川黃連 三分用吳茱萸煎水拌炒

右咀片水煎 古方有梔仁 趙氏恐其傷胃氣因去之

歸脾湯 治思慮傷脾不能攝血或健忘怔忡驚悸

盜汗寤而不寐或心脾作痛嗜臥少食大便不調

或肢體重痛月經不調赤白帶下等症

人參

白朮

茯苓

棗仁

遠志

歸身

黃芪

各一錢

木香

甘草

各三分

水煎加龍眼肉三個爲引

心藏神而主血脾藏意而統血思慮則俱傷而血不歸經故有前症治以此方使氣血和暢平肝資脾血之散於外者悉歸中州而聽大陰所攝矣

天王補心丹

治心血不足神志不寧津液枯竭健

忘怔忡大便不利口舌生瘡等症

人參去蘆 玄參炒 丹參炒 天冬去心 麥冬去心各一兩

五味子烘五錢如不用亦可 柏子仁炒 酸棗仁炒 遠志肉甘草

煎水浸去骨炒 白茯苓去皮 當歸身酒洗烘 白桔梗烘五錢

生地酒洗姜汁炒研忌鐵器四兩

右為末煉蜜丸如椒目大白滾湯吞服愚意去五朱地黃

五寶丹 主開瞽復明瞳神缺者能圓陷者能起突

者為平真至寶也

夜明沙水洗極淨 晚蚕沙揀去土子 鳳凰蛻去殼

白朮洗淨微火焙乾佳者不用 老母鴨肝木泡切片新瓦焙乾忌鐵器

嫩鷄公肝 製如鴨肝

各爲極細末各等分和勻每日早晚用酒調服三錢至七日見效重者再服一料自愈

千金磁硃丹 治神水寬大漸散昏如霧中行漸空中有黑花又漸覩物成二體久則光不收及內障神水淡綠色淡白色者

磁石 吸針者佳二兩 辰砂 一兩 神麴 四兩

共三味先以磁石置巨火中煨醋淬七次曬乾另研極細水飛候乾二兩辰砂另研極細水飛候乾

一兩生神麴末三兩與前藥和勻更以神麴末一兩水和作并煮浮爲度搜入前藥內煉蜜爲丸如梧子大每服二十加至三十丸飯湯送下空心服右方以磁石辛酸寒鎮墜腎經爲君令神水不外移也辰砂微甘寒鎮墜心經爲臣肝其母此子能令母實也肝實則目明神麴辛溫甘化脾胃中宿食爲佐生用者發其生氣熟用者飲其暴氣也服藥後俯視不見仰視漸睹星月者此其效也亦治心火乘金水衰反制之病久病累發者服之則永

不更作空心服午前更以石斛夜光丸主之

石斛夜光丸 治症前同

天冬焙去心 揀參各二兩 兔絲子酒煮製研七錢五分 五味子炒五錢

錢麥冬去心焙一兩 杏仁泡去皮尖七錢五分 白茯苓去皮二兩 枸杞

子七錢五分 川牛膝七錢五分 生地一兩 熟地一兩 家白菊

七錢五分 白蒺藜五錢 金石斛五錢 肉苁蓉五錢酒洗去浮甲

真川芎五錢 中甘草炒五錢 陳枳殼去瓢炒五錢 懷山藥

七錢五分 青箱子五錢 直防風五錢 川黃連炒五錢 草決

明七錢五分 羚羊角鎊末五錢 烏犀角鎊五錢 當歸二兩



右二十五味製末煉蜜爲丸如梧子大每服三五  
十丸溫酒鹽湯任下

右方羨補藥也補上治下利以緩利以久不利以  
速也故君以天冬人參兔絲之通腎安神強陰填  
精也臣以五味麥冬杏仁苓杞膝黃之歛氣除濕  
涼血補血也佐以菊花蒺藜石斛菴蓉川芎甘草  
枳殼山藥青箱之療風治虛益氣祛毒也使以防  
風黃連草明羚羊烏犀之散滯瀉熱解結明目也  
陰弱不能配陽之病並宜服之此從則順之治法

熊膽丸 觀音治眼法方載藏經一人患目翳膜遮  
睛諸醫不效自念惟佛可救于是禮佛甚謹夜夢  
皂衣人告曰汝要目明當服熊膽丸具在藏經後  
依方修治服之旬日日目明眸子瞭然即治人目疾  
多愈

真熊膽 一分 川黃連 密蒙花 川羌活 漢防

風 各一兩 龍膽草 蛇蛻 地骨皮 木賊草

仙靈脾 各一兩 瞿麥 旋覆花 白菊花 各五錢 蕤仁

三錢 麒麟竭 一錢 蔓菁子 一合

俱爲細末以羯羊肝一具煮其半焙乾入藥取其  
半生者去筋膜研爛入藥杵而丸之梧子大飯後  
米湯下三十九諸品修製惟木賊去節蕤仁用肉  
蔓菁子水淘蛇蛻炙云

烏龍丸 呂仙翁治眼方一人性喜雲水見必邀款  
小閣供純陽像玉華堂一室有客方巾布袍入  
共語曰汝目昏多淚當服烏龍丸可愈于是依方  
製藥服至月餘目復明矣夜能視物年至九旬耳  
聰目明精力如壯

生地

熟地

惟出自懷慶河內縣者效

川花椒

去目及閉口者不用

三味各等分爲末煉蜜爲丸如梧子大空心鹽米湯吞三十丸竟可常服

報恩丸 一官治罪囚出活之後囚因病死矣官患目疾爲內障所苦喪明年餘適夜半獨坐嘆息罵堦下窻宰之聲官問爲誰荅曰是昔蒙活囚今來報恩乃告一方

川黃連

一兩

白羊肝

一具去筋膜忌鉄器

以連末和肝於沙盆內研令極細爲丸如梧子大

每服三十丸以滾水下連作五劑言訖忽不見於是修服數日復明凡目疾皆可治忌豬肉冷水雄雞

孝感丸 一人父沒奉母周遊四方事母盡孝淳熙中寓秦州因患赤眼食蟹遂成內障諸醫無效素解暗誦般若經出丐市里所得錢持歸奉母凡歷五載忽夜夢一僧長眉大鼻手托一鉢鉢中有水令掬以洗眼復告之曰汝此去當服羊肝丸也意其爲佛拜乞其方僧遂以方授之

夜明沙

淨洗

當歸

酒洗

木賊

去節

礬退

去足各一兩

共研爲末用黑羊肝四兩水煮爛搗如泥入藥拌和又搗丸如梧子大食後滾水下五十丸服之百日復明與其母還鄉母亡棄家遂入道矣

三奇丸

治內障等症

熟地黄

九製如前法

麥門冬

去心

車前子

去殼

各等分爲末煉蜜爲丸如梧子大食前服用滾水下五十丸

一子丹

葛仙翁治赤眼翳膜等症

大訶子 一枚

用蜜磨點眼中

二百味花草膏

蜂採百花羊食百草

用羯羊膽灌入好蜜攪勻線緊縛蒸過懸風處候  
乾入瓶點目

一人患目服黃柏知母之類更加便血何也曰此脾  
虛不能統血肝虛不能藏血也當用補中益氣湯  
吞六味地黃丸果愈

補中益氣湯

治勞倦傷脾中氣不足等症

黃芪

一錢五分  
分蜜炙

人參

去蘆

甘草

歸身

酒洗

白朮

土炒

各一錢  
陳皮去白 升麻 柴胡各三分

右咀片姜棗水煎服

一富家子忽病視正物皆以爲斜凡物必更移令斜  
自以爲正其父求醫一醫留其子盛設暢飲至醉  
乃扶坐轎中使人擡之高下其手常令傾側展轉  
久之方令登榻而臥達旦酒醒遣之歸家前日斜  
視之物皆理正矣父母躍然而喜往謝問方何神  
效如此也醫曰令郎無病是醉中常閃倒肝一葉  
搭於肺上不能下故視正爲斜今復醉飲則肺展

展轉之間肝亦隨下矣藥安治之

一孕婦忽然視物不明目昏作痛此因胎熱傷肝毒氣上冲或外傷風熱內食炙燻性熱之物以菊連湯主之或金液湯治之無不效也

菊連湯 治婦人胎風眼

防風 一錢 荆芥穗 五分 家白菊 五分 蟬退 五分 連

翹 六分 枯黃芩 七分 川黃連 三分 梔子仁 六分 炒黑牛

旁子 五分 炒研 大當歸 八分 真川芎 五分 白芍 八分 酒炒

懷地 一錢 生用

右咀片生姜一片燈心一九爲引熱服

一乳婦因悸而病既愈目張不得瞑醫曰煮郁李酒飲之使醉卽愈所以然者目系內連肝膽恐則氣結膽衝不下郁李能去結酒入膽結去膽下目能瞑矣以一醉飲主之

一醉飲

郁李仁

泡去皮  
三錢

酒一瓶煮熟飲之果驗

一婦人年四十餘兩目昏昧咳嗽頭痛粗工罔效一醫診脉皆細弱脾部尤近弦弱曰脾虛也東垣云五臟六腑皆稟受脾土上貫於目脾虛則五臟精

氣皆失所司不能歸明於目矣邪逢其身之虛隨  
眼系入於腦則腦鳴而疼心者君火也宜靜相火  
代行其令勞役運動則妄行侮其所勝故咳嗽也  
不理脾養血而以苦寒治眼是謂治標不治本也  
症脉既詳方從意立况醫者意也故曰如意飲

如意飲

人參

一錢五分

黃芪

一錢五分

麥冬

去心

貝母

各一錢

歸身

八分

陳皮

五分

川芎

五分

黃芩

四分

家菊

五分

麥芽

四分

甘草

三分

右煎服二劑症悉除

一婦人患爛緣風眼用覆盆子葉旋採以手揉碎入口中咀嚼而留汁滓于小竹筒內聽用取皂紗蒙眼用筆畫雙眸於紗上然後滴藥汁漬眼下緣轉盼間蟲出紗外有數十計其狀如絲色赤而長復用前法滴上緣又得蟲數十兼服消風清熱活血之劑遂全愈矣

覆盆子葉

能去眼弦爛虫

覆盆子

能治目暗不見物冷淚浸淫及青盲等症

覆盆子草

多取晒乾用時搗令極爛薄綿裹之以人乳浸之如人行八九里久用點目中

即仰面而臥不過三四日視物如童但忌麴酒油葷治目妙品也

一人患赤目腫痛脾胃虛弱飲食難進診其脉肝盛脾弱如服涼藥以治肝則損脾飲食愈難進服煖藥以益脾則肝愈盛而加病何以治之乃于溫平藥中倍加肉桂不得用茶常啜恐傷脾也蓋肉桂殺肝而益脾故一治而兩得之傳曰木得桂而稿也

一人久患目盲有白翳遮睛服藥罔效蓋此眼緣熱

藥過多乃生外障視物不明彼皆以爲肝損腎虛  
補其肝腎則眼愈盲治以救苦丹一月目明

### 救苦丹

公猪膽

一個

微火用銀銚內煎成膏候冷入冰片

二三厘點入眼中漸覺翳輕又將猪膽白膜皮晒  
乾合作小繩如釵大燒灰存性點翳甚者亦能治  
之

### 小兒痘毒眼治法

痘毒入眼有赤痛腫而不能開者有翳障遮蔽而不

能視者自古方書所論及俗說所傳皆以爲痘瘡入眼而不知此非有形之瘡乃無形之毒也其遮睛之翳有似痘瘡而實非也蓋有形之瘡發於咽喉者有之發於口舌者有之然皆外瘡起脹時內瘡亦盛外瘡收靨時內瘡亦消惟入眼之毒必作於收靨之時或還元之後與咽喉口舌之痘迥異此以知其非有形之瘡也蓋眼者五臟血氣之精華也痘毒之鬱滯於肌膚者爲癰爲癰而其流滯于精華者則發爲眼患矣毒已留於氣血精華之分則其受病也深故患

此者當乘時調治收功於數十劑之後切不可鹵莽躁率責效於數劑之間何也痘後之人元氣已弱受毒又深而其毒火發露在表又在至高之位若驟用寒涼峻攻其裏而疏利其下則既傷其元氣又拂逆其病勢未有不至於喪明者且或生他症而爲大患者多矣須用清毒撥翳湯從容調治使其毒氣漸退而元氣不損此萬不失一之術也切戒薰洗若日久不治亦致失明患此症者甚多彼不知治法又何怪乎

清毒撥翳湯

防風 五分 荆芥穗 四分 蘇薄荷 四分 前胡 七分

蔓荊子 四分 京芍藥 六分 桔梗 五分 北柴胡 炒七分

片黃芩 炒五分 連翹 四分 肥知母 炒五分 牛蒡子 炒研五分

白菊 三分 密蒙花 四分 白蒺藜 炒去刺七分 木賊 三分

丹皮 四分

水煎熱服

却紅甚加紅花 三分 桑白皮 蜜水炒四分

如淚多加北細辛 二分

如翳膜遮睛加石決明煨研八分

如內熱甚加川黃連炒三分如甚者可兼用後數方

紫龍丹 治小兒痘毒眼外用吹耳

真黃丹 五分 真輕粉 五分

俱爲末研勻如患左目吹右耳患右目吹左耳每日吹二次每用厘許

密蒙花散 治症同前

密蒙花 酒洗晒乾五錢 蟬退 去足土五錢 谷精草 五錢 望月沙

洗淨晒乾一兩即兔糞 俱爲細末每用獾猪肝一兩以竹

刀披開將藥一錢和在內用碗盛蒸熟服亦效

救精草散 治症同前

救精草 一兩  
生蛤粉 二兩

俱爲細末每用獾猪肝一兩去淨筋膜以竹刀切

片和藥一錢蒸熟服效

以上二方用  
母雞肝亦可

小兒疳疾眼治法

小兒腸胃柔脆早不可饑晚不可飽衣服隨時自不  
生病因飲食失宜過饑過飽食後便睡日晚加食寒  
熱不調外感或少內傷實多元氣阻滯漸致虛弱遂

艱運化釀而成疳又貪飲食肌肉愈瘦腹脹下利日久而不治疳臣傷肝目則病矣或閉或翳變生諸症從而夭折可不悲哉醫不及治非良法始知不獨喪明須用秘授玉龍丹主之

玉龍丹 治小兒疳積傷眼

蘇雄黃

爲末飛過候乾三錢

寒水石

煨爲末九錢

右二味和勻每日用雞肝一具竹刀切片去淨筋膜并膽同藥一錢入酒一盞碗盛蒸食五日見效竟能開翳

治小兒雀目法

世傳雀目者何也曰每至日晚二目不見物又號雞  
宿眼經謂眼得血而能視肝血有虧熱入血室故也  
血主陰晚亦屬陰以類相從治不得法亦能爲害須  
用照月飲主之或決明夜靈更妙

照月飲 治雀目立效

真雄黃 爲末木飛候乾

用生雞剖取熱肝搗極爛和黃五厘溫酒調服

決明夜靈散 治雀目大人亦有症并治

石決明

大煨為末

夜明沙

洗淨為末

公猪肝

每用一兩羊肝更妙以竹刀切

開肝作二片將藥各二錢鋪肝上合定為線縛之入沙罐內米泔水煮熟臨睡時連肝藥汁俱服

薛氏選方

明目地黄丸

治男婦肝腎俱虛風邪所乘熱氣上

攻目翳遮睛羞澁多淚

牛膝

酒浸三兩

石斛

枳殼

炒

杏仁

去皮尖

防風

各四兩

生熟地黄

各一觔

右為末煉蜜為丸如梧子大每服三五十九食前

鹽湯下

按此方可治內外二障但體弱及老年者甚宜服之

加減駐景丸 治肝腎氣虛兩目昏暗視物不明

熟地黃 八兩 當歸 五兩 楮實 一兩 川椒 一兩

五味 二兩 枸杞 二兩 兔絲子 八兩 車前子 二兩

各製末煉蜜丸梧子大每服三五十丸食前溫酒

下 按此方治內障滋養神水目自明矣

地芝丸 治目不能遠視能近視漸至近亦昏蒙

生地 焙乾 天冬 去心各四兩 枳殼 炒二兩 甘菊花 二兩

右爲末蜜丸梧子大茶清送下白丸

按陰虛不能遠視此方補陰藥也故主之

定志丸 治目不能近視反能遠視者

白茯苓

人參

各三兩

遠志肉

石菖蒲

各二兩

右爲末蜜丸梧子大以硃砂爲衣每服七丸至二十丸溫米湯下食後日三服 按陽乏不能視近此方補陽藥也故主之但此症年老有之空心當服還少丹及一切補腎之藥

菊睛丸 治肝腎不足眼目昏暗常見黑花多淚

枸杞 四兩  
肉蓯蓉 一兩  
巴戟天 一兩  
甘菊花 四兩

右爲末蜜丸梧子大每服五十丸鹽湯溫酒 任服

按此方專補命門少火此火能生水取天乙生水之意蓋水滋肝木肝通眼竅是以神水足而神膏養神光自發瞳神可保無恙矣明目何疑可加熟地八兩

五秀重明丸 治翳膜遮睛癰澁昏花常服清利頭

目

甘菊 開頭五  
百粒  
荊芥穗 五百穗  
楮實子 五百粒

木賊

去節五  
百莖

川椒

五百粒  
去子

爲末蜜丸彈子大每服一丸細嚼徐徐嚥下

按此方俱輕清上行之品治標可也宜暫用之

瑞竹四神丸 治腎經虛損眼目昏花

其枸杞

一觔取色赤滋潤者作  
四分用酒一杯潤之

一分川椒

一兩  
同炒

一分小茴

一兩  
同炒

一分芝蔴

一合  
同炒

一分獨炒

各炒過將椒等揀篩淨

加熟地

四兩

白茯苓

二兩

其菊花

二兩

共爲末蜜丸梧子大每服五七十丸

空心溫酒送下

按此方中年以後每日當服不

獨可保目明而卻病廣嗣延年其功甚大

天麻丸 治小兒肝疳風疳眼疳

青黛 黃連 天麻 川芎 蘆薈 五靈脂

夜明沙

炒各一錢

龍膽草

酒拌炒焦

嫩防風

直的

蟬蛻

各錢半

全蝎

麝香

少許

乾蟾頭

二錢炙焦

右為末公猪膽汁浸糕丸如麻子每服十九丸薄荷

湯下 按此方疳傷三臟各有現形唯傷肝者木

因風動遂患為目症品味週至誠良劑也然予全

書內玉龍丹効甚

濟生桑白皮散 治肺氣塞壅毒氣上攻眼目白睛  
腫脹日夜疼痛

玄參 桑白皮 枳殼炒 杏仁炒 旋復花

防風 京芍 黃芩 甘菊 甘草

甜葶藶炒 柴胡炒

右各一兩爲細末治風熱之症及外障睛珠腫脹  
疼痛者用滾水調一錢飯後服

蜜蒙花散 治風毒攻目昏暗淚并暴赤腫

羌活 白蒺藜炒 木賊 蜜蒙花 石決明煨各一兩

井家菊 二兩

又共爲末每服二錢茶清食後調下

按此方治風毒凡翳障眼宜服

蟬花散 治肝經蘊熱毒氣上攻眼目赤腫多淚羞

明一切風熱昏翳

谷精草 一錢 甘菊 六分 蟬退 五分 羌活 五分 甘草

三 分 蒺藜 炒一錢 草決明 一錢 防風 七分 山梔 炒七分 川芎

三 分 蒙花 七分 木賊 五分 荆芥穗 三分 草芩 五分 蔓

荆子 炒五分 以上爲末每服二錢食後茶清調下

按蟬花散治外障蘊熱等症固宜但症有不同或  
新起久患或氣血虛實量人加減詳在全書

洗心散 治風壅壯熱頭目昏痛熱氣上衝口苦唇

焦咽喉腫痛心神煩燥多渴五心煩熱小便赤澀

大便澀滯

大黃

甘草

當歸

芍藥

麻黃

荊芥

各六錢

白朮

五錢

右爲末每服二三錢生姜薄荷煎服

洗肝散

治風毒上攻暴作赤目腫痛難開眵淚

薄荷

當歸

羌活

防風

山梔

甘草

大黃 川芎

右各二兩爲末每服二錢食後滾水調下

按前二方人多用之故存脩參考或問曰洗心洗肝二散治目何如荅曰方以洗名其尅伐可知蓋爲體壯氣實者感冒風寒外束腠理內火不得消散實熱上炎奔入眼竅暴赤腫疼大便澀滯姑以此暫用解散

否則不敢濫試也人體不同又烏可執泥乎

扶桑至寶丹

嫩桑葉不拘多少摘取長流水洗淨候乾爲末每

觔細末用黑芝蔴四兩煎汁一碗煉蜜同爲丸梧  
子大每日空心滾水吞服三錢或五錢其効益弘  
多不能備述

明目丸 前輩劉廣思傳

真甘枸杞 八兩 川當歸 四兩 大生地 四兩 大熟地 四兩

家菊花 一兩 甘草 五錢 真阿膠珠 五錢 南川芎 二兩

白茯苓 二兩 揀麥冬肉 三兩 薄荷 一兩 藁本 一兩

川黃柏 二兩 肥知母 三兩 夏枯草 一觔 杭白芍 三兩

如目中有雲翳加 木賊 四兩 青葙子 四兩

又附

治臌脹仙方

用葫蘆一個注燒酒於內外用錫鑊注無灰黃酒  
重湯煮兩晝夜待酒乾又注於內乾去一半便可  
取用錫鑊內黃酒如乾亦可常添服燒酒完

其病  
自愈

治瘧疾神方

白茯苓

三錢

真川貝母

三錢

半夏

八分

砂仁

八分

右用生姜一片煎一碗露一宿臨發時溫服

又方

將巴豆一枚用綿袋勒在腦門中間微麻疼起一  
泡卽愈

附錄回春集脉案五行生尅解義

目屬肝肝竅開於目也 鼻屬肺肺竅開於鼻也

口屬脾脾竅開於口也 舌屬心心竅開於舌也

耳屬腎腎竅開於耳也

髮者屬心稟火氣也 眉者屬肝稟木氣也

鬚者屬腎稟水氣也 毛者屬肺稟金氣也

齒者腎之標骨之餘也

咽者嚥物通水穀接三脘以達胃也 喉者候氣

有九節通五臟以系肺也 聲音者根出於腎善

噫者肺氣也 善噫者脾氣也 呵欠者胃氣也

髮者血之餘 爪者筋之餘 神者氣之餘

目得血而能視久視傷血勞心耳得血而能聽手  
得血而能握掌得血而能握足得血而能行臟得  
血而能液腑得血而能氣 榮者水穀之精氣  
衛者水穀之悍氣 直行者經旁行絡也

脉者天真元和之氣也 三部者寸部關部尺部也

九候者浮中沉每部皆有二三而爲九也浮者主  
皮膚候表及腑也中者主肌肉候胃與氣也沉者

主筋骨候裏及臟也 五臟者心肝脾肺腎也

六腑者膽胃大腸小腸三焦也

左手寸口心與小腸之脉所出君火也象天宜浮取

關部肝與膽之脉所出風木也象人宜中取

尺部腎與膀胱之脉所出寒水也象地宜沉取

右手寸口肺與大腸之脉所出燥金也

關部脾與胃之脉所出濕土也

尺部命門與三焦之脉所出相火也

寸爲陽爲上部法天左爲心右爲肺以應上焦主心

胸以上至頭之有疾也

關爲陰陽之中爲中部法人左爲肝右爲脾以應中焦主膈以下至臍之有疾也

尺爲陰爲下部法地左爲腎右爲命門以應下焦主臍以下至足之有疾也

四時之脉弦鈎毛石也春脉弦者屬肝東方木也夏脉鈎者屬心南方火也秋脉毛者屬肺西方金也冬脉石者屬腎北方水也四季脉遲緩者屬脾中央土也

四時平脉者六脉俱帶和緩一呼一吸爲一息一息四至爲平脉太過不及者爲病脉關格覆溢者死脉也三遲二敗冷而危也六數七極熱生多也八脫九死十歸墓也十一十二絕魂也兩息一至死脉也

五行者金木水火土也金生水爲相生金尅木爲相尅相生者吉相尅者凶

心脉若見沉細肝見短濇腎見遲緩肺見洪大脾見弦長皆遇尅也

附錄  
心脉若見緩肝見洪肺見沉脾見瀉腎見弦皆遇我之所生也

男左常大於右者爲順女右常大於左者爲順男尺常弱寸常盛是其常女子尺常盛寸常弱是其常也男得女脉爲不足女得男脉亦然男子不可久瀉女子不可久吐左屬陽右屬陰關前屬陽關後屬陰汗多亡陽下多亡陰諸陰爲寒諸陽爲熱人迎者左手關前一分是也氣口者右手關前一分是也人迎以候天之六氣氣口以候人之七情

調理脾胃者藥中之王道節戒飲食者却病之良方  
久視傷血勞心 久臥傷氣勞肺 久坐傷肉勞  
脾 久立傷骨勞腎 久行傷筋勞肝 脫陰者  
目盲血不榮也

內傷元氣須用黃芪人參甘草爲主 脾胃虛弱須  
用白朮山藥爲主

肺病者宜食黍雞肉桃蔥宜辛忌苦 胃病者虛寒  
宜辛甘忌苦 肝病者宜食麻李韭宜酸忌辛 脾  
病者宜食粳米宜甘忌酸 心病者宜食麥羊肉杏

金匱要略  
卷之六  
非宜苦忌鹹 腎病者宜食大豆豕肉宜鹹忌甘